

泊宅編
一



泊宅編一

方勺撰

中華書局

泊
宅
編
二
方
勺
撰

中
華
書
局

叢書集成初編

泊宅編 二冊

中華書局出版發行

(北京王府井大街三十六號)

秦皇島市資料印刷廠印刷

一九九一年北京第一版

開本：七八七乘二〇九二毫米 三十二分之一

統一書號：ISBN 7-101-00894-1/K·367

泊
宅
編

叢書集成初編所
選金華叢書讀畫
齋叢書稗海皆收
有此書讀畫叢書
更爲完善故據以
影印

方氏泊宅編序

泊宅翁學博而志剛少時謂功名可力取不肖與世俯仰晚得一官益齟齬不合慨然歎曰大丈夫不爲人則爲己先聖有言朝聞道夕死可矣乃取浮圖老子性命之說參合其要以治心養氣反約而致柔年老而志不衰酒後耳熱抵掌劇談道古今理亂人物成敗使人聽之竦然忘倦時出句律意匠至到扁舟蒼雪之上侶嫺娟弄明月興之所至輒悠然忘歸使翁少而遇合未必如歲晚所得之多也一日過予於桐汭出所著泊宅編

示予予曰此翁筆端游戲三昧耳胷中不傳之妙盍爲
我道其崖略翁默然無言予因書以序之丹陽洪興祖
慶善

泊宅編卷第一

方 勺 仁 聲

陽孝本字行先居虔州城西學博行高東坡謫惠州過而愛之號曰玉巖居士仍爲作真贊居士不娶坡每來直造其室嘗戲以元德秀呼之居士曰某乃陽城之裔故坡詩曰衆謂元德秀自稱陽道州皆謂無妻也居士後以遺逸得官

吳師仁字坦求錢塘人篤學勵志不事科舉守臣陳襄鄧溫伯蒲宗孟皆以遺逸薦於朝元祐初被召命以

學官初坦求喪親廬其墓日託棲真寺隨僧造飯一鉢以充饑不復置庖爨蓄奴僮閉戶翛然讀書勸則默坐而已嘗一夕已滅燭室中忽自明有僧長揖而入與坐談元久之謂坦求曰教授行且仕宦壽不過六十僧去而復閣如初坦求爲太學博士十年無他除改其後以選除潁川吳王宮教授卒年五十七

王昇字君儀居嚴州烏龍山布衣蔬食無書不讀道釋二典亦皆徧閱爲湖婺二州學官罷歸山中杜門二年不赴調一日自以箕子易筮之始治裝西去時年

將六十矣旅京師數月良勑將謀還鄉左丞薛昂以
其所撰見服書獻之稍歷要官君儀之學尤深於禮
易久爲明堂司常宣和乙巳以待制領宮祠復居烏
龍故廬每正旦筮卦以卜一歲事豫言災祥其驗甚
多金人據臨安諸郡驚擾嚴人皆引避山谷間公獨
燕處如平時且增葺舍宇以示無虞壬子正月微感
疾謂貳車黃策曰陸農師待我爲屬官不久當往但
太元書未畢且不及見上元甲子太平之會此爲恨
爾數日卒年七十九

東坡既就逮下御史獄一日曹太皇詔上曰官家何事
數日不懌對曰更張數事未就請有蘇軾者輒加謗
訕至形於文字太皇曰得非軾轍乎上驚曰孃孃何
自聞之曰吾嘗記 仁宗皇帝策試制舉人罷歸意
而言曰今日得二文士然吾老矣度不能用將畱以
遺後人二文士蓋軾轍也 上因是感動有貸軾意
朱行中自右史帶假龍出典數郡年纔踰壯守東陽日
嘗作春詞云小雨廉纖風細細萬家楊柳青烟裏戀
樹濕花飛不起愁無比和春付與西流水九十光陰

能有幾金龜解盡畱無計寄語東城沽酒市拚一醉
而今樂事他年淚自以爲得意後歷中書舍人帥番
禹得罪安置興國軍以死流落之兆已見於此詞

王欽臣自西京一縣令召入議法與介甫不合令學士
院試賦一篇但賜出身卻歸本任以二詩獻公其一
云蜀國相如最有詞武皇深恨不同時凌雲賦罷還
無用寂寞文園意可知其二云古木陰森白玉堂老
年來此試文章宮簷日永揮毫罷閒拂塵埃看蜚牆
東坡帥杭一日與徐璣坐雙檜堂吟曰二疎辭漢去璣

應聲曰大老入周來璿字全夫少年登科踈縱不事
事晚益流落終於武義縣主簿嘗寓婺州清澗寺醉
中題壁云驚雷殷殷南山曲一夜山前春雨足美人
睡起怯輕寒衣褪香綃紅減玉朝雲靄靄弄晴態野
柳狂花無管束東風也自足春情吹皺兩溪烟水綠
元祐中東坡帥杭予自江西來應舉引試有日矣忽同
保進士訟予尸貫不明賴公照憐得就試因預薦遂
遂獲游公門公嘗云王介甫初行新法異論者譏謔
不已嘗有詩云山鳥不應知地禁亦逢春暖卽啾啾

又更古詩鳥鳴山更幽作一鳥不鳴山更幽

歐公作醉翁亭記後四十九年東坡大書重刻於滁州
改泉冽而酒香作泉香而酒冽水落而石出作水清
而石出

馮當世未第時客餘杭縣爲官逋拘窘計無所出題小
詩於所寓寺壁一胥魁范生見之爲白令丐寬假令
疑胥受賕游說胥云馮秀才甚貧某但見其所畱詩
知他日必顯出其詩令笑釋之韓信棲遲項羽窮手
提長劍喝秋風吁嗟天下蒼生眼不識男兒未濟中

介甫嘗戲作走卒集句云：「去年來去忙倚他門戶，
傍他牆一封朝奏緣何事。」斷盡蘇州刺史腸。

先子晚官鄧州，一日秋風起，忽思吳中山水，嘗信筆作
長短句黃鶴引，遂致仕。其敘曰：「予生浙東，世業農，總
角失所，天稍從里閭儒者游。年十八，婺以充貢。凡七
至禮部，始得一青衫。閒關二十年，仕不過縣令，擢纔
南陽教授。紹聖改元，實六十有五歲矣。秋風忽起，亟
告老于有司，適所願也。謂同志曰：「仕無補於上下而
退號朝士，婚嫁既畢，公私無虞。將買扁舟放浪江湖。」

中浮家泛宅誓以此生非太平之幸民而何因閱阮
田曹所製黃鶴引愛其詞調清高寄爲一闕命稚子
歌之以侑尊焉生逢垂拱不識干戈免田隴士林書
圃終年庸非天寵才初闕茸老去支離何用浩然歸
弄似黃鶴秋風相送塵事塞翁心浮世莊周夢滌舟
遙指烟波羣山森動神閒意賡廻首名職利轡此情
誰共問幾斛淋浪春甕

韓退之多悲詩三百六十言哭泣者三十首白樂天多
樂詩二千八百言飲酒者九百首

徽宗興畫學嘗自試諸生以萬年枝上太平雀爲題無
中程者或密扣中貴荅曰萬年枝冬青木也太平雀
頻伽鳥也是時殿試策題亦隱其事以探學者如大
法斷案一案凡若干刑名但取其合者不問詞理優
劣或曰王言而匿其指柰何曰此正古之射策在兵
法所謂多方以誤之也

自古繼世宰相前漢所稱韋平而已漢袁楊二族最盛
亦不過三四人唯李唐一門十相者良多至聞喜裴
氏趙郡李氏一家皆十七人秉鈞軸何其盛也本朝